

UGOVOR
ZA NABAVKU USLUGA
- redizajniranje i poboljšanje funkcionalnosti web stranice serda.ba

1. „Lampa Studio“ Društvo za informatiku, tehnologiju, marketing, trgovinu i usluge d.o.o. Sarajevo, Hasana Brkića broj 45, koga zastupa direktor Emir Agić, (u daljem tekstu: Pružalac usluga),
i
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor Ševkija Okerić, (u daljem tekstu: Ugovorni organ)

I PREDMET UGOVORA

Član 1.

Predmet ovog ugovora je usluga redizajniranje i poboljšanje funkcionalnosti web stranice serda.ba, u skladu sa potrebama Ugovornog organa, a zaključuje se nakon provedenog postupka Direktni sporazum javne nabavke broj: JN-191/17. Ponuda Pružaoca usluga br: 04-12/17 od 05.12.2017. godine je sastavni dio ovog ugovora.

Član 2.

Ugovor se zaključuje na period od 45 dana od dana zaključenja Ugovora.

II CIJENA

Član 3.

Ugovorenu cijenu čine usluge iz člana 1. ovog ugovora, bez uračunatog PDV-a 1.900,00 KM (slovima: hiljadudevetstotina KM), a sa PDV- om 2.223,00 KM (slovima: dvijehiljadedvijestinedvadesetri KM).

III NAČIN PLAĆANJA

Član 4.

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa pružaoca usluga broj: 1610000091330070 kod RAIFFEISEN BANK d.d.,
- plaćanje Pružaoca usluga će biti odobreno nakon prihvatanja Izvještaja o obavljenom poslu,
- rok plaćanja je 15 dana od izdavanja fakture.

IV ROK IZVRŠENJA

Član 5.

Pružalac usluga se obavezuje da usluge iz člana 1. specificirane u specifikaciji /opisu usluge/ i Ponudi br: 04-12/17 izvrši u roku od 45 dana od potpisivanja ugovora.

V OBAVEZE UGOVORNOG ORGANA

Član 6.

Ugovorni organ se obavezuje da:

- da Pružaocu usluga omogući i pruži potrebne informacije za adekvatno pružanje predmetne usluge,
- odobri Izvještaj o obavljenom poslu Pružaoca usluga,
- izvrši obaveze iz člana 4. ovog ugovora.

VI OBAVEZE PRUŽAOCA USLUGA

Član 7.

Pružalac usluga se obavezuje da:

- izvrši obavezu iz člana 5. ovog ugovora,
- Ugovornom organu dostavi izvještaj o obavljenom poslu, a koji će detaljno opisati korištene tehnologije i primijenjena rješenja, te šifre i druge elemente korištenja
- ispostavi fakturu za izvršene usluge.

VII PENALI

Član 8.

Za svaki dan zakašnjenja Izvršilac se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

IX OSTALE ODREDBE

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ovaj ugovor stupa na snagu kada ga potpišu obje ugovorne strane.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 12.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

Član 13.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog ugovora je Ponuda iz člana 1. ovog ugovora.

Pružalac usluga:
„Lampa Studio“ d.o.o. Sarajevo

DIREKTOR

Emir Agić
15.12.17.



Ugovorni organ:
SERDA d.o.o. Sarajevo

DIREKTOR

dr. Ševkija Okerić
UG-161/17
14.12.2017.

